

peratoris corona, ac reliqua imperialia insignia sepulta sunt.

Xeuyang mons ad P'u civitatem est, ex eo memorabilis, quod duo illi Philosophi regio orti sanguine, ac regna contemnentes, se occultarint, ob Imperatoris Chevi nequitiam, cui servire dedignabantur, ut alibi noto.

Ibidem Lie mons, apud quem Xunus optimæ vitæ, ac nominatissimus Imperator apud hanc gentem, antequam eligeretur in Imperatorem agricola fuit. hic mons adhæc usque tempora spinas nullas, nullas malas aut noxias stirpes producit, ex viri meritis id factum fingunt.

Flumina.

Hoei fluvius hujus urbis territorio particularis est, prope Yeching originem habet, & recta versus occasum fluens in Croceum ignobiles immittit aquas. prope Van civen ex montibus aqua profluit, quæ hyeme calidissima est, æstate subfrigida.

Ad radices montis Xeuyang lacus est non contemnendæ magnitudinis, in quo Xunum Imperatorem piscari solitum scribunt.

Jeu lacus, hoc est falsus, prope civitatem Kiang majorem incipit, inde usque ad Gan-ye civitatis territorium extenditur, ejus circuitus centum & quadraginta stadia occupat. lacus totus falsus est ut aqua marina, ex eoque sal conficitur.

Tertia Urbs

T A I T V N G.

Qualitas.

V Rbs hæc tertia nec antiquitate, nec magnitudine cum aliis est conferenda, sed fortitudine ac viribus, tum ob loci commoditatem ac situm, tum ob mœniorum validam structuram insignis est, inter montes ipsa & totum illius jacet territorium, ad occasum præterea, ubi minus aspera est regio, & Tartarorum excursionibus cum majori subjacet periculo, non pauca numerat munimenta, in quibus ut & in ipsa urbe magnus militum est numerus, ac forte præsidium. primum hæc regio Sinis subjecta est à regibus Chao sub finem Chevæ familiæ, & tunc Petie vocabatur Cina familia Imperialis Junchung dixit, Tanga Juncheu, ab eo tempore continuo Taitung nomen obtinuit. regit urbs civitates undecim, 1 Taitung, 2 Hoaigin, 3 Hoenyuen, 4 Ing°, 5 Xanin, 6 So°, 7 Maye, 8 Guei°, 9 Quangling, 10 Quangchang, 11 Lingkieu. In montibus optimus reperi-

Civitates.

tur lapis lazulus. animalium pelles pretiosiores cum reliquis communicat urbibus. Porphyritis, ac marmoris magna ibi vis, & variegati coloris jaspidem suppeditat. Fana nobiliora quinque habet, & unum cauponi illi dicatum, qui demortui apud se hospitis magnam auri summam fidelissime ejus filio patrem quærenti restituit: licet nec filius, nec alius quispiam de auro illo quidquam sciret. raram hanc apud Sinas virtutem tanti æstimarunt, ut inde & civitati Hoaigin (quod amplectens pietatem sonat) nomen sit factum, & viro illi templum erexerint in gratæ memoriæ argumentum, vocaturque templum ipsum Ch'anggin, hoc est continue pium.

Ad Hoenyven est montis Heng pars, ubi raros flores, ac præclara ex herbis medicamenta Botanici Sinæ undique adventantes carpunt ac colligunt, nulli tamen ulli arbori nescio qua superstitione ducti audent securim impingere.

So civitas montem habet Jueny, cui nomen dedit ibi sepulta Guei regis charissima psalteria.

Ad Quangchang est Hiang mons ingenti ac annosa pinorum sylva spectandus, in cujus medio idolorum fanum ac sacrificulorum cœnobium.

Tape mons ad Lingkieu, ex quo terram ita rubram hauriunt, ut minium, quo ad sigilla rubra Sinica imprimenda utuntur, subinde suppleat.

Nihil de fluminibus occurrit particulare præter ea, quæ sunt in mappis, nisi quod ad urbis occasum lacus sit parvus à flumine ortus, qui Kiunçu lacus dicitur, hoc est probi viri, namque ibi habitabat ille, qui aurum restituit.

Prope So civitatem in monte Yenking lacus est immensæ profunditatis, qui suo ambitu stadium continet.

Quarta Urbs

L V G A N.

L Ugan urbis regionem Yvus Imperator Kicheu provinciæ adscripsit, constellationibus Sang & Cing: Cheva familia regem hic constituit, Liheum condens regnum: quod deinde Han reges occuparunt, mox Chao: regibus autem omnibus extinctis Cinæ familiæ primus Imperator Xantang hanc urbem vocavit. Tanga familia Chaoy: Sunga Chaote, hodiernum nomen

Antiquitas.